

Broj predmeta:

Broj akta:

Gračanica,

Na osnovu člana 13. Zakona o principima lokalne samouprave («Službene novine Federacije BiH», broj: 49/06 i 51/09), i člana 8. Statutarne odluke o organizaciji Grada Gračanica u skladu sa Zakonom o Gradu Gračanica («Službeni glasnik Grada Gračanica», broj: 1/19) Gradsko vijeće na sjednici održanoj....., donosi

O D L U K U

o broju i visini stipendija za učenike srednjih škola i studenata

Član 1.

Odlukom se utvrđuje broj i visina stipendija, koje će se dodjeljivati učenicima srednjih škola i studentima u školskoj 2022/2023 godini.

Član 2.

U školskoj 2022/2023 godini dodijelit će se ukupno 125 stipendija, ne uzimajući u obzir stipendije u stavu 6. i to:

1. Učenicima generacije 14 stipendija, odnosno svim učenicima generacije.
2. Učenicima i studentima pripadnicima boračke populacije 44 stipendije i to:
 - djeci iz porodica demobilisanih boraca 23 stipendije (učenicima I razreda 4, a učenicima II, III i IV razreda 4 stipendije, studentima I godine studija 7, a II, III, IV, V i VI godine studija 8 stipendija),
 - djeci iz porodica ratnih vojnih invalida 19 stipendija (učenicima I razreda 2, a učenicima II, III i IV razreda 5 stipendija, studentima I godine studija 5, a II, III, IV, V i VI godine studija 7 stipendija),
 - djeci iz porodica šehida i poginulih boraca 2 stipendije (studentima II, III, IV, V i VI godine studija 2 stipendije).
3. Nadarenim učenicima i studentima 19 stipendija (učenicima I razreda 3, a učenicima II, III i IV razreda 5 stipendija, studenima I godine studija 4 a studentima II, III, IV, V i VI godine studija 7 stipendija).
4. Učenicima i studentima u deficitarnim zanimanjima 19 stipendija (učenicima I razreda 3, a učenicima II, III i IV razreda 5 stipendije, studenima I godine studija 4, a studentima II, III, IV, V i VI godine studija 7 stipendija).
5. Učenicima i studentima iz porodica slabijeg imovnog stanja 29 stipendija (učenicima I razreda 4, a učenicima II, III i IV razreda 6 stipendija, studenima I godine studija 8, a studentima II, III, IV, V i VI godine studija 11 stipendija).
6. Učenicima i studentima koji ostvare isti broj bodova u okviru vrste /kategorije stipendije za koju su konkurisali dodijeliti će se stipendije.

Član 3.

Gradonačelnik može iz sredstava za stipendiranje, specijalizaciju i školovanje dodijeliti 5 stipendija za učenike i 5 za studente specifičnih zanimanja, inovatore, izuzetno nadarene sportiste (dobitnike priznanja, sportiste godine, umjetnike i sl.).

Član 4.

Godišnja stipendija za studente iznosi 1.200,00 KM, a za učenike srednjih škola 600,00 KM.

Član 5.

Odluka stupa na snagu danom donošenja, a objavit će se u «Službenom glasniku Grada Gračanica».

PREDSJEDAVAJUĆI
GRADSKOG VIJEĆA
Nihad Krajinović

O B R A Z L O Ź E N J E

Za školsku 2022/2023 godinu predlaže se dodjela 125 stipendija, te 5 stipendija za učenike i 5 za studente koje može dodijeliti Gradonačelnik iz sredstava za stipendiranje, specijalizaciju i školovanje za učenike i studente specifičnih zanimanja, inovatore, izuzetno nadarene sportiste (dobitnike priznanja, sportiste godine, umjetnike i sl.).

U predloženi broj stipendija ne ulaze stipendije iz stava 6. Odluke, kojim je predviđeno da će se stipendije dodijeliti i učenicima i studentima koji ostvare isti broj bodova u okviru vrste /kategorije stipendije za koju su aplicirali.

Stipendije će se dodjeljivati u skladu sa Odlukom o utvrđivanju uslova, kriterija i postupka dodjele stipendija učenicima srednjih škola i studentima putem konkursa.

Predlažemo da Gradsko vijeće usvoji Odluku o broju i visini stipendija za učenike srednjih škola i studenata u predloženom tekstu.

PREDLAGAČ
GRADONAČELNIK